

SARS E ANANELA KAHLOLO E ETSANG NALANE NYEWENG E KGAHLANO LE SASFIN BANK LIMITED

Tshwane, 7 Pudungwana 2025 – Ditshebeletso tsa Lekgetho tsa Afrika Borwa (SARS) di ile tsa ntsha disamane tsa R5.3 billion kgahlano le Sasfin Bank Limited (Sasfin Bank) Karolong ya Lekgotla le Phahameng la Gauteng, Pretoria ka la 22 Tshitwe 2023. Tseko ena e mabapi le ketso e seng molaong ya Sasfin ya ho thusa balefalekgetho ho romela matlole ka ntle ho naha ka tsela e seng molaong. Sasfin e ile ya hlokomela mekgelo ya molao e mabapi le dintlha tsa SARS tsekong ya Tlhakubele 2024. Taba ena e ile ya dulelwa lekgotleng ka la 9 Mphalane 2025. SARS e ananela kahlolo e dihlweng ka la 3 Pudungwana 2025.

Lekgotla le ile la dumellana le mekgelo ena ya Sasfin e mabapi le dintlha tse itseng mme ya qhelela ka thoko tse ding. Mekgelo ena e ile ya dumellwa ka lebaka la hore ka sehloohong lekgotla le ananetse hore moralo wa tshebetso wa molao (o akaretsang Molao wa Dibanka, FICA, mmoho le Melawana Ya Taolo ya Phapanyetsano) ha o tlise boikarabelo ba molao wa praevete o tshepetsweng SARS kapa ba bang ba kolotuwang. Sena se toboketsa ntlha e mabapi le ho tolokuwa ha molao hona le ho shebana le mefokolo e teng. Jwalo ka karolo ya tseko ya yona, SARS e batlana le kananelo ya molao wa tlwaelo o mabapi le boikarabelo ba molao, boikarabelo bo hodima ba tjhaetsweng monwana hore ba se bakele SARS kotsi ka ho kena diketsong tsa ho tsamaiswa ha matlole a sokang a tsebahatswa le ho kgethiswa ka tsela e seng molaong ka tsela e tobileng le e sa tobang.

Mokgelo ona o ile wa qhelelwa ka thoko ka lebaka la ntlha e mabapi le sesosa mmoho le ngongoreho ya tseko e nngwe e ka thoko. SARS e nka sena e le kgatelopele e bonahalang ka ha lekgotla le tiisitse hore SARS e na le tokelo ya ho nka dikgato tsa molao ho latela karolo ya 278 ya Molao wa Taolo ya Lekala la tsa Ditjhelete (FSRA) bakeng sa ditahlehelo tseo e bileng le tsona ka lebaka la ho hatikelwa ha melao ya lekala la tsa ditjhelete. Ho qhelelwa ka thoko ha mokgelo ona wa Banka ya Sasfin tsekong ya molao e kentsweng ke SARS, ho tiisa hore tseko e nngwe e ka thoko ya SARS e tlasa FSRA e kentswe ka nepo mme e ka tswela pele ho ya mamelwa ke lekgotla. Kahlolo ena e toboketsa le ho tiisa pheko e hlakileng ya molao ya ho sala morao ditahlehelo tse bakwang ke ho tlolelwa ha melao ya lekala la tsa ditjhelete tse etswang ke dibanka le ditheo tse ding.

Pheko ena ya molao ke tlholo bakeng sa SARS mme, hwa bohlokwa, bakeng sa setjhaba sa Afrika Borwa, ka ha sena se ntlafatsa mekgwa e teng ya ho jarisa ditheo boikarabelo ba ho bebofatsa diphallo tse seng molaong tsa ditjhelete. “Haesale ke ntse ke hopotsa ditheo tsa ditjhelete hore di dule di tonne mahlo haholo ditabeng tsa boikobelo nakong eo ho tlalehwang ditransekshene tse belaetsang mane Setsing sa Mautlwela a tsa Ditjhelete” ho rialo Khomishenara Kieswetter, “mmoho le ho laola tse ngata tse ka bakang kotsi tse bakwang ke ditransekshene tseo ho nkuwang e le tse belaetsang”. SARS e tla lekola hore ke boikgethelo bofe boo e tla bo nka, ho akareditswe le ho lokisa seo e se behileng pela Lekgotla, kapa ho etsa kopo ya ho

ipiletsa kahlolo ena mane Lekgotleng le Phahameng la Maipiletso. Kahlolo ena e toboketsa tsela eo SARS e lomahantseng meno ka yona boikarabelong ba ho sireletsa mokotla wa Afrika Borwa mmoho le ditabatabelo tse batsi tsa setjhaba.

SARS e bona kahlolo ena e le mohato wa bohlokwa wa ho tliša tlhakisetso lepatlelong la tsa molao mabapi le boikarabelo ba ditheo tsa molao mmoho le pheko e teng bakeng sa SARS.

Ho fumana lesedi le fetang lena, ka kopo ikopanye le SARSMedia@sars.gov.za

KE PHETHO